



Pou Piblikasyon Imedya: 6/10/2022

GOUVÈNÈ KATHY HOCHUL

## GOUVÈNÈ HOCHUL ANONSE 5 MILYON DOLA POU PWOGGRAM PREVANSYON SUISID REJYON KAPITAL LA

*Capital Connect vize ogmante aksè ak entèvansyon kont swisid nan kominate ki istorikman pa jwenn ase sèvis yo*

*Biwo Sante Mantal, Depatman Travay ak Depatman Sante kolabore pou redui  
swisid pami popilasyon ki a risk nan Rejyon Kapital la*

Gouvènè Kathy Hochul te anonse jodi a yon pwogram pilòt plizyè ajans k ap koute 5 milyon dola ki vize diminye swisid nan mitan gwoup vilnerab yo nan konte Albany, Schenectady, Rensselaer ak Saratoga. Finanse atravè yon sibvansyon ki soti nan Sant pou Kontwòl ak Prevansyon Maladi (Centers for Disease Control and Prevention, CDC) federal yo epi ki administre pa Biwo Sante Mantal (Office of Mental Health, OMH) eta a, Capital Connect pral itilize done ki soti nan ajans eta a ak patnè lokal yo pou idantifye gwoup ki a risk yo pou efò prevansyon konsantre nan zòn espesifik ak endistri yo nan rejyon kat konte a. New York se youn nan sis eta sèlman ki resevwa sibvansyon nan men Sant pou Kontwòl ak Prevansyon Maladi yo.

"Pandan ke resous sante mantal eta nou an pami pi bon nan nasyon an, nou toujou pèdi twòp Nouyòkè nan swisid chak ane", **Gouvènè Hochul te deklare**. "Avèk yon apwòch ki konsantre sou prevansyon, nou ka pi byen idantifye gwoup ak endistri ki gen plis risk epi asire yo gen aksè ak resous, epi 5 milyon dola sibvansyon yo anonse jodi a pral ede nou bay sipò enpòtan ak ankouraje koneksyon pami moun ki vilnerab yo atravè Rejyon Kapital la."

Avèk sibvansyon senk ane an, Sant Prevansyon Swisid (Suicide Prevention Center) Biwo Sante Mantal la nan New York te fè patenarya ak Depatman Sante eta a ak Depatman Travay (Department of Labor, DOL) eta a pou idantifye gwoup ak endistri ki gen plis risk yo pou swisid. Anplis de sa, ajans yo pral travay ak lekòl yo, sante mantal konte a, jistics jivenil, depatman ijans lopital lokal yo ak endistri konstriksyon zònnan pou ede konsantre efò nan zòn kat konte a, kote tantativ swisid ak pouasantaj lanmò depase mwayèn eta a.

Objektif prensipal Capital Connect se yon rediksyon 10 poustan nan tantativ swisid ak lanmò nan mitan gwoup vilnerab yo ki te montre yo gen to ki tantativ swisid ki wo yon

fason ki pa pwopòsyonèl. Inisyativ la fè pati pi gwo objektif Biwo Sante Mantal la pou redui diferans nan sante mantal nan kominote ki istorikman pa jwenn ase sèvis yo, ki gen ladan kominote koulè yo.

Aktivite sibvansyon ki finanse nan Albany, Troy ak Schenectady pral ogmante aksè ak pwogram prevansyon swisid ki baze sou prèv nan kominote ki pa gen ase sèvis yo. Aktivite sa yo pral konplete efò kontinyèl ke Biwo Sante Mantal la inisyè pou diminye disparate yo, tankou yon pwogram pilòt pou prevansyon swisid nan twa legliz Nwa nan Albany, Harlem ak Rochester.

Siksè pwogram sa a te ede garanti 1.5 milyon dola nan finansman nan men Fondasyon Ameriken pou Prevansyon Swisid (American Foundation for Suicide Prevention), pi gwo sous rechèch prevansyon swisid prive nan nasyon an, epi li te pèmèt pwogram nan elaji nan 12 legliz Nwa adisyonèl. Epitou, nan kòmansman ane sa a, Biwo Sante Mantal la te bay 5 milyon dola ki disponib pou pwogram prevansyon swisid pou popilasyon ki pa jwenn ase sèvis yo, tankou Ispanik/Latino, Afriken Ameriken, Azyatik Ameriken, Ameriken Natif natal ak Jèn LGBTQI+ ak Jèn Adilt yo.

Biwo Sante Mantal la te itilize done siveyans Depatman Sante a pou idantifye de popilasyon ki afekte nan yon fason ki pa pwopòsyonèl. Gwooup sa yo gen ladan adolesan, ki te resevwa deplizanpli tretman nan depatman ijans apre tantativ swisid, ak gason ki gen laj pou travay, ki gen to swisid ki triple popilasyon jeneral la.

**Doktè Ann Sullivan, ki se Komisè Biwo Sante Mantal nan Eta New York, te deklare**, "Rechèch ak divès popilasyon ak gwooup laj montre klèman ke koneksyon sosyal enpòtan nan sa ki gen pou wè ak byennèt mantal nou an. Epi pandan ke pa gen yon sèl solisyon ak pwoblèm konplèks swisid la, nan travay atravè sektè yo ak sèvi avèk yon kantite estrateji pwouve k ap sipòte yon koneksyon sosyal ki an sante, nou ka fè yon diferans epi sove anpil lavi."

Pou sipòte adolesan, pwogram Capital Connect la pral fè patenarya ak lekòl yo pou bay yon evalyasyon estriktire an tèm bezwen prevansyon kont swisid, konsiltasyon, ak yon seri opsyon fòmasyon. Pwogram nan pral sipòte tou elajisman ak rafinman e-Connect, ki se yon pwogram inovan ki ekzamine jèn yo ki nan pwobasyon epi konekte yo ak tretman ak sèvis swen sante mantal.

Menm jan, aktivite ki finanse pa sibvansyon nan vil Albany, Troy ak Schenectady pral ogmante aksè ak sèvis nan kominote koulè yo. Pwogram pilòt la pral ede tou teste modèl sa a anvan yo potansyèlman elaji apwòch la nan tout eta a.

Pwogram nan pral bay fòmasyon tou ki vize endistri konstriksyon lokal la ak moun ki gen difikilte finansyèman ak moun ki fèk nan chomaj, yo konnen tou de kòm moun gen gwo risk. Patenarya ki devlope atravè pwogram nan pral ede tou Biwo Sante Mantal avanse objektif li pou diminye disparate swen sante nan kominote ki istorikman pa jwenn ase sèvis yo.

**Komisè Depatman Sante Eta New York la, Mary T. Bassett, te deklare.** "Fè fas ak estrès ak enkyetid akòz bagay sa yo tankou sitiyasyon travay, enstabilite lojman, ak byennèt pèsonèl yo tout te ajoute plis sou pwoblèm sante mantal ki pa rezoud epi, malerezman, swisid nan kominote ki pa jwenn ase sèvis yo. Pwogram Capital Connect la pral ede diminye inegalite nan sèvis sante konpòtmantal yo ki te amplifye davantaj pa COVID-19 epi anpeche swisid."

**Komisè Depatman Travay Eta New York la, Roberta Reardon, te deklare,** "Nou menm, nan NYSDOL, nou pran angajman pou nou fè tout sa nou kapab pou ede efò prevansyon swisid, e yon gwo pati nan sa se idantifye ki moun ki gen plis risk. N ap kontinye travay ak kominote vilnerab yo ak moun ki pa jwenn ase sèvis yo, ki gen ladan moun ki pap travay ak moun ki pa jwenn ase travay, pou asire yo gen resous yo bezwen yo. Byennèt Nouyòkè yo se - e li pral kontinye rete - premye priyorite nou."

**Lidè Majorite Sena a, Charles Schumer, te deklare,** "Mwen fyè pou m bay finansman federal vital sante mantal pou sipòte rezidan ki pi vilnerab nou yo, anpeche swisid ak sove lavi yo. Pèsonn pa ta dwe goumen kont maladi mantal pou kont li. Pandemi a te entansifye kriz sante mantal la, ak moun ki nan Rejyon Kapital la k ap lite ki bezwen sipò nou kounye a plis pase avan."

**Reprezantan Paul Tonko te deklare,** "Pandemi COVID-19 la agrandi defi sante mantal ki egziste deja nou yo, sitou nan timoun ak pou moun ki nan kominote vilnerab yo. Maladi dezespwa sa yo merite yon respons ki anrasinen nan konpasyon. Antanke manm Caucus Sante Mantal la, mwen te fyè dèské m te jwe yon wòl prensipal nan fè Kongrè a lanse Liy Vital 988 la epi elaji ak finanse sèvis prevansyon swisid. Mwen rekonesan dèské m gen yon patnè angaje nan Gouvènè Hochul nan kad efò pou bay espwa pou moun ki nan Rejyon Kapital nou an ak odela."

**Chèf Egzekitif Konte Albany, Daniel P. McCoy, te deklare,** "N ap fè fas ak yon kriz sante mantal nan nasyon sa a ki te sèlman te vin pi mal pa pandemi ak fèmti ekonomik la. Mwen fyè de inisyativ inovan sante mantal la ke Konte Albany ap dirije - ki gen ladan Ekip Mobil kont Kriz (Mobile Crisis Team) nou an ak ACCORD - men nou pa ka ale poukont nou. Mwen kontan gen yon patnè nan gouvènman an tankou Gouvènè Hochul ak Biwo Sante Mantal Eta a ki pran angajman pou anpeche swisid nan Rejyon Kapital la. Pogram pilòt 5 milyon dola sa a pral ede nou konsantre plis resous sou popilasyon ki pi vilnerab yo ak moun ki gen plis risk yo epi jwenn èd yo bezwen anvan li twò ta."

**Majistra Albany an, Kathy Sheehan te deklare,** "Mwen felisite Gouvènè Hochul ak Eta New York paske yo finanse pwogram pilòt sa a pou ede diminye swisid atravè Rejyon Kapital la. Pandan n ap lite ak konsekans izolman ak pèt pandan pandemi an ak defi chak jou yo nan monn k ap chanje tout tan nou an, pwogram enpòtan sa a pral ede bay rezidan ki pi vilnerab nou yo - espesyalman moun ki nan kominote ki istorikman pa jwenn ase sèvis yo - resous ki nesesè pou entèvansyon kont kriz."

**Patrick Madden, ki se Majistra Troy, te deklare,** "Mwen bat bravo pou Gouvènè Hochul paske li bay resous valab pou adrese prevansyon swisid nan katye nou yo.

Swisid se yon pwoblèm sante publik ki afekte kominote nou an, men bon nouvèl la se paske yo ka evite li. Finansman sa a pral sipòte pwogram enpòtan soti nan Lansingburgh rive nan Sid Troy ak yon konsantrasyon sou sa a nan kominote nou yo ki pi mal desèvi yo."

**Gary McCarthy, ki se Majistra Schenectady, te deklare**, "Itilizasyon rechèch ak done pou idantifye moun vilnerab yo ak gwoup ki an risk yo pral ogmante efikasite sèvis yo epi ranfòse aksè ak pwogram ki baze sou prèv yo nan kominote ki istorikman pa jwenn ase sèvis yo. Mwen remèsyé Gouvènè Hochul pou lidèchip li nan lanse pwogram pilòt plizyè ajans sa a isit la nan Rejyon Kapital la pou amelyore aksè ak sèvis sante mantal nan kominote nou an."

**Prezidan Chanm Lejislatif Konte Schenectady, Anthony Jasenski, te deklare**, "Li toujou trajik lè nou pèdi nenpòt manm nan kominote nou an nan swisid. Nou trè rekonesan anvè Gouvènè Hochul paske li rekonèt ke kominote yo bezwen èd nan abòde pwoblèm konplèks sa a epi nan bay nou resous adisyonèl pou fè sa."

**Theodore T. Kusnierz, Jr., Prezidan Konsèy Sipèvizè Konte Saratoga, te deklare**, "Sante mantal ak byennèt enpòtan menm jan ak sante fizik, epi Konte Saratoga pran angajman pou li ofri sèvis pou ede moun k ap fè fas ak pwoblèm chak jou sa yo. Pwogram Capital Connect pral ede pwomouwwa yon kominote ki pi an sante nan ede popilasyon ki a risk yo ki gen ladan jèn nou yo k ap soufri ak efè ki pèsistan nan pandemi an ak gason klas travayè yo ki te wè tou yon ogmantasyon nan kriz sante mantal la, dapre etid resan yo. Lajan sa yo pral ede Konte Saratoga redwi stigma ki antoure sèvis sante mantal pandan y ap ede moun k ap soufri ak pwoblèm sante mantal ak panse swisidè yo."

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418